



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Arnoldi Corvini à Belderent J. U. D. Jus Canonicum, Per
Aphorismos Strictim Explicatum**

Corvinus van Beldern, Arnold

Amstelodami, 1663

Decimis.

urn:nbn:de:hbz:466:1-10591

Reditus enim & oblationes fidelium quatuor in partes dividuntur. Quarum *prima* Episcopo, ejusque familiæ, propter hospitalitatem & susceptionem debetur; *Altera* Clericis, pro officiorum suorum sedulitate, distribuitur; *Tertia* fabricæ & Ecclesiæ religiosisque domibus reparandis impenditur; *Quarta* in pauperes & peregrinos erogatur. c. 26. concessio. c. 25. Vulturana. c. 30. mos est. c. 23. vobis. c. 28. de redditibus. 12. qu. 2.

Portio hæc pari passu cum Parochiali ambulat, ut de quibus hæc non detrahitur, nec illa detrahatur.

De Decimis.

T I T. XXXVIII.

Explícatis rebus spiritualibus, corporalibus & incorporalibus, supereſt ut *de rebus Ecclesiasticis temporaliibus* agamus: sed quia *decima*, *primitia*, *oblationes*, mixtam quandam inter spirituales & temporales naturam obtinent (jus enim decimandi, primitias, oblationes exigendi, spirituale est, fructus vero ipsi temporales), de his primò tractabimus.

Decima, est quota fructuum, vel lucri portio, Deo debita. c. parochianos. 14. &c. tua nobis. 26. vers. cum Deo debita. hic.

Sunt decimæ vel *personales*, vel *prædiales*.

Personales sunt, quæ ex lucro, quod quis suâ industriâ seu negotiacione fecit, deducuntur. c. ex transmissa. 23. hic.

Prædiales seu *reales*, sunt, quæ de fructibus, ut frumento, uvis, pomis, sumuntur. c. ex multiplici. 3. eod. c. cunctis. 41. c. de decimis. 45. cum cc. seqq. 16. qu. 1.

Inter quas plures sunt differentiæ. Nam 1. *Prædiales decimas* (Nisi speciali privilegio, c. ex parte tua ad nos. 10. hoc tit. c. 2. §. pen. eod. in 6. c. quid per novale. 12. de verb. signif. à Papa, d. c. ex partetua ad nos. non Imperatore, c. tua. 25. hoc tit. concessio, fint exempti) debent Judæi, c. de

e. de terris. 16. eod. c. pen. in fin. de usur. nec non clerici regulares, atque monachi; non decimas personales. c. decimas. 47. 16. qu. 1.

2. Personales ei Parochiæ debentur, in qua quis Sacra-
menta percipit, quamvis alibi lucrum sit factum; c. ad
Apostolicae. 20. vers. noveris. hic. Prædiales ei Ecclesiæ, in
cujus territorio ipsa prædia sita sunt, nisi consuetudine
aliud sit introductum. c. cum sint homines. 18. c. ad *Apo-*
stolicæ. 20. in fin. eod. c. ult. de parœciis.

3. Personales debentur deductis impensis: Prædiales
præstantur sine deductione impensarum. c. *pastoralis*. 28.
hic. ut & sine deductione censuum ac tributorum. c. cum
non sit. 33. eod.

Tam personalibus quam prædialibus commune est,
quod impensæ, pro instaurandis rebus, de quibus decimæ
sunt solvendæ, factæ, non deducuntur. d. c. *pastoralis*. 28.
§. nec pro.

Decimas solvere tenentur regulariter omnes; d. c. à no-
bis. 24. hic. nisi sint ab iis solvendis immunes, aut speciali
privilegio exempti.

Immunes sunt Clerici, vel alii Religiosi; c. *novum*. 2.
eod. c. 45. de decimis. §. fin. c. 46. questi. c. 47. decimas. §.
caterum. 16. qu. 1. Nisi prædia non propriis laboribus,
sed per colonos colant; d. c. questi. in fin. c. ult. in fin. 16.
qu. 1. Nisi sint conjugati, qui ab aliis Clericis spiritualia
recipiunt: d. c. *novum*. 2. vers. illi profecto. & ibi Gl.
Nisi prædia à Laïcis comparaverint: d. c. 41. cunctis.
§. fin. cum c. seq. c. *commissum*. 4. c. nuper. 34. hic. c.
statuto. 2. §. caterum. eod. in 6. Nisi prædia conduxe-
rint: c. dilecti. 8. hic. Nisi prædia sint vetera. c. ex parte.
10. eod.

De veteribus tamen prædiis decimas Clerici non de-
bent; si sint Cistercienses, Templarii vel Hospitalarii; d. c.
ex parte. vers. sed prædecessor noster. & c. ad audientiam. 12.
eod. aliis puta quam sui ordinis Clericis. c. 1. §. caterum de
verb. signif. in 6. & ibi Gl. Si sint horti veteres. d. c. ex parte.

vers. & de nutrimentis. Si novale vetus sit factum. c. ult. de privileg.

Est *novale*, ager nunc primū ad culturam redactus, de quo, quod aliquando cultus fuerit, memoria non extat. c. I. de verb. signif.

Qui speciali privilegio sunt exempti, decimas nec de veteribus, nec novis prædiis solvunt. d. c. ex parte. d. c. à nobis. 24. vers. nisi à præstatione. hic. Nisi cum privilegium esset impetratum de immunitate novalium, agatur de decimis novalium tempore impetrati privilegii posselis. c. dudum. 31. de privileg. c. statuto. 2. in princ. hic. in 6. Nisi agatur de decimis ante impetratum privilegium promissis. c. ex multiplici. 3. hic. Nisi privilegiati per triginata vel quadraginta annos decimas solverint. c. si de terra. 6. de privileg. Nisi certis in rebus privilegiati, de aliis convenientur. d. c. statuto. §. dicefasani. Nisi prædia aliena conduixerint. c. in aliquibus. 32. hic. c. ult. §. fin. 25. qu. 2. Nisi eorum bona nimium creverint. c. suggestum. 9. hic. Nisi Laicus privilegium concederit. c. tua. 25. in princ. eod.

Solus enim Pontifex tale privilegium concedere potest: c. tua. 26. eod. non Princeps Laicus; quia ut jus decimandi nequit conferre, ita nec ab obligatione præstandæ decimæ potest eximere. c. dudum. 31. eod. c. cum & plantare. 3. de privileg.

Potest privilegium Pontificis, si Ecclesiæ lassionem inferat, revocari. d. c. suggestum. 9.

Quia privilegia ita sunt interpretanda, ne cui jus suum, & potissimum Ecclesiæ, auferatur. c. I. 21. qu. 1.

Solvi debent decimæ de fructibus & lucris quarumlibet reruin; c. ex transmissa. 23. c. pervenit. 5. c. nuncios. 6. c. ex parte. 21. c. non est. 22. hic. c. 4. quicunque. c. 5. omnes. 16. qu. 7. statim cùm collecti sunt fructus; c. cum homines. 7. eod. ante censum ac tributorum solutionem; c. cum non sit. 33. eod. aut expensarum in servos, vel mercenarios, pro agris colendis, fructibus colligendis, factarum deductio-

ductionem; c. tua nobis. 26. eod. iis, quibus debentur; non aliis. c. 4. nullus. 16. qu. 2.

Sunt, regulariter, decima pars fructuum: Nisi alia sit consuetudo; quæ attendenda. c. 1. eod. c. quoniam. fin. 16. qu. 1. Clem. si beneficiorum. 2. in princ. eod.

Si decimæ non solvantur, actio competit confessoria, ad eas petendas; imo detrectans excommunicationis sententiâ ad solutionem potest compelli. c. pervenit. 5. eod.

De primitiis.

TIT. XXXIX.

Primitia, sunt primæ fructuum obventiones, Dominio offerendæ, ut cautum Exod. 22. antequam usibus nostris secundæ deputentur. c. causa Carpensis. 13. de verb. signif.

Parocho, seu Sacerdoti proprio, c. 21. doctos. c. 23. moderamine. 16. qu. 1. aut Clericis qui pro offerentibus preces fundunt. c. Ecclesiæ. §. item cum. 13. qu. 1. d. can. doctos. d. can. moderamine. debentur; licet Deo offerantur. can. 65. revertimini. 16. qu. 1.

Earum nomine ad summum datur pars quadragesima; ad minimum sexagesima: inter has duas portiones plus aut minus datur, quantum requirit consuetudo, vel quantum liber ei qui solvit. c. 1. de decim. primit. & oblat. Gloss. ad can. Ecclesiæ. ad verb. & primitias. 13. qu. 1.

Sunt primitiae in dispositione Episcopi. c. 6. præter hoc. §. deinde. vers. & ut ipsæ. dist. 31.

Debent inter Diaconos & Clericos alios dividii. Apost. can. omnium. 37. c. manifestæ. 39.

De oblationibus.

TIT. XL.

Oblatio, est voluntaria & spontanea præstatio, quam Christiani Sacerdotibus pro peccatis suis ad altare offerunt. c. 13. quia Sacerdotes. 10. qu. 1.

I 5

Qui